



სასწავლო ხელშეკრულება N

ქ. მარნეული

----- 202 წელი

ერთი მხრივ, შეზღუდული პასუხისმგებლობის საზოგადოება მარნეულის საზოგადოებრივი კოლეჯი (ს/კ434172584 მისამართი: ქ. მარნეული, რუსთაველის ქუჩა N13ბ), წარმოდგენილი მისი დირექტორის - მახირ ბაირამოვის სახით (შემდგომში „კოლეჯი“) და მეორე მხრივ, მოქალაქე

(სახელი და გვარი, პირადი ნომერი, დაბადების თარიღი, მისამართი)

შემდგომში პროფესიული სტუდენტი, შემდგომში ერთობლივად მოხსენებული როგორც „მხარეები“, ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

მუხლი 1. ხელშეკრულების საგანი

1. წინამდებარე ხელშეკრულების საგანს წარმოადგენს კოლეჯსა და პროფესიულ სტუდენტს შორის სასწავლო ურთიერთობების მოწესრიგება.
2. წინამდებარე ხელშეკრულებით კოლეჯი იღებს ვალდებულებას მიიღოს პროფესიული სტუდენტი პროფესიულ საგანმანათლებლო პროგრამაზე.

(პროფესიული საგანმანათლებლო პროგრამის დასახელება)

მუხლი 2. უფლებები და ვალდებულებები

1. კოლეჯი უფლებამოსილია:

1.1. მოსთხოვოს პროფესიულ სტუდენტს კოლეჯის შინაგანაწესის, ეთიკის კოდექსის, სასწავლო პროცესის მარეგულირებელი წესისა და სხვა შიდა სამართლებრივი რეგულაციების მოთხოვნების დაცვა.

2. კოლეჯი ვალდებულია:

2.1. უზრუნველყოს პროფესიული სტუდენტისთვის სწავლისა და სწავლების ადეკვატური პირობების შექმნა;

2.2. მისცეს პროფესიულ სტუდენტს ხარისხიანი განათლება;

2.3. უზრუნველყოს პროფესიული სტუდენტი ყველა იმ აუცილებელი მატერიალურ-ტექნიკური რესურსით, რაც ხელს შეუწყობს პროფესიული სტუდენტის პროფესიონალად ჩამოყალიბებასა და სამომავლო დასაქმებას;

- 2.4. არ დაუშვას არანაირი სახის დისკრიმინაცია პროფესიულ სტუდენტთან მიმართებით;
- 2.5. კოლეჯის ტერიტორიაზე უზრუნველყოს სწავლის უსაფრთხო პირობების შექმნა;
- 2.6. პროფესიული საგანმანათლებლო პროგრამით გათვალისწინებული პირობების დაკმაყოფილების შემთხვევაში გასცეს პროფესიულ სტუდენტზე შესაბამისი კვალიფიკაციის დამადასტურებელი დიპლომი და დიპლომის დანართი.

3. პროფესიული სტუდენტი უფლებამოსილია:

- 3.1. მიიღოს ხარისხიანი განათლება;
- 3.2. მოსთხოვოს კოლეჯის ადმინისტრაციას კანონმდებლობით, კოლეჯის შიდა მარეგულირებელი აქტებით, პროფესიულ სტუდენტთან დადებული სასწავლო ხელშეკრულებითა და პროფესიული საგანმანათლებლო პროგრამით განსაზღვრული ვალდებულებების შესრულება;
- 3.3. ისარგებლოს კოლეჯის მატერიალურ-ტექნიკური ბაზით, ბიბლიოთეკით, საინფორმაციო და სხვა სასწავლო რესურსებით;
- 3.4. საკუთარი ინტერესების შესაბამისად დააფუძნოს პროფესიული და სხვა სტუდენტური ორგანიზაციები ან ასეთის არსებობის შემთხვევაში გაერთიანდეს მათში;
- 3.5. თავისუფლად გამოხატოს საკუთარი აზრი;
- 3.6. მიიღოს ამომწურავი ინფორმაცია კოლეჯის ადმინისტრაციისგან მისთვის საჭირო ან საინტერესო საკითხების შესახებ.
- 3.7. დაცული იყოს რასობრივი, ეროვნული, რელიგიური და სხვა ნიშნით დისკრიმინაციისაგან ან/და შეურაცხყოფისგან;
- 3.8. წერილობით გაასაჩივროს პროფესიული განათლების მასწავლებლის, კოლეჯის ადმინისტრაციული პერსონალის ან სხვა პროფესიული სტუდენტის არამართლზომიერი ქმედება მის მიმართ; პროფესიული სტუდენტის ზემოაღნიშნული საჩივარი წარედგინება კოლეჯის დირექტორს;
- 3.9. სასამართლოში გაასაჩივროს კოლეჯის მიერ მის მიმართ მიღებული გადაწყვეტილება;
- 3.10. საჭიროების შემთხვევაში მონაწილეობა მიიღოს ინდივიდუალური სასწავლო გეგმის შემუშავებაში;
- 3.11. მიიღოს მონაწილეობა მასწავლებლის მიერ ჩატარებული ლექცია-სემინარის ხარისხის და სასწავლო პროგრამის, მოდულის შეფასებაში.
- 3.12. საქართველოს კანონმდებლობით დადგენილი წესით ისარგებლოს პროფესიული სტუდენტის მობილობის უფლებით;
- 3.13. აპელაციის წესით ერთჯერადად გაასაჩივროს მის მიერ მიღებული უარყოფითი შეფასება დირექტორის სახელზე წარდგენილი პირადი/კანონიერი წარმომადგენლის/მხარდამჭერის განცხადების საფუძველზე;
- 3.14. განახორციელოს მისთვის საქართველოს მოქმედი კანონმდებლობითა და კოლეჯის სამართლებრივი რეგულაციებით მინიჭებული სხვა უფლებამოსილებები.

4. პროფესიული სტუდენტი ვალდებულია:

- 4.1. შეასრულოს კოლეჯთან დადებული სასწავლო ხელშეკრულების პირობები;
- 4.2. დაიცვას ეთიკის კოდექსით, შინაგანაწესით, წინამდებარე წესით, კოლეჯის სხვა შიდა სამართლებრივი რეგულაციებითა და საქართველოს მოქმედი კანონმდებლობით გათვალისწინებული მოთხოვნები.
- 4.3. შეასრულოს პროფესიული საგანმანათლებლო პროგრამით დადგენილი მოთხოვნები;
- 4.4. პატივი სცეს კოლეჯში დასაქმებულ პირთა და სხვა პროფესიულ სტუდენტთა უფლებებს და კანონით დაცულ ინტერესებს;

- 4.5. გაუფრთხილდეს და არ დააზიანოს კოლეჯის ინფრასტრუქტურა, მატერიალურ-ტექნიკურ რესურსი, გამოიყენოს ის დანიშნულებისამებრ;
- 4.6. დაიცვას საავტორო უფლებები და არ დაუშვას პლაგიატი;
- 4.7. ონაწილეობა მიიღოს შუალედურ შეფასებაში;
- 4.8. არ მოახდინოს ალკოჰოლური სასმელის, თამბაქოსა და საქართველოს კანონმდებლობით აკრძალული სხვა ნივთიერებების რეალიზაცია, რეკლამირება/პროპაგანდა ან/და მოხმარება კოლეჯის შენობა-ნაგებობასა და მის საკუთრებაში არსებულ ტერიტორიაზე. თამბაქოს მოხმარება დასაშვებია შინაგანაწესის შესაბამისად კოლეჯის დირექტორის მიერ განსაზღვრულ სპეციალურ ადგილას;
- 4.9. არ გამოცხადდეს კოლეჯში არაფხიზელ მდგომარეობაში;
- 4.10. არ ატაროს და არ გამოიყენოს ცეცხლსასროლი იარაღი, ფეთქებადი ნივთიერება ან ცივი იარაღი კოლეჯის ტერიტორიაზე;
- 4.11. არ ითამაშოს აზარტული თამაშები კოლეჯის ტერიტორიაზე;
- 4.12. არ გამოიყენოს მობილური ტელეფონი სასწავლო პროცესის მიმდინარეობისას (აუდიტორიებში, სასწავლო პრაქტიკის ლაბორატორიებში);
- 4.13. ხელი არ შეუშალოს სასწავლო პროცესის მიმდინარეობას.
- 4.14. მისი მხრიდან ადგილი არ ჰქონდეს ძალადობის, შეურაცხყოფისა და ცილისწამების ფაქტს პროფესიული სტუდენტების და კოლეჯის პერსონალის მიმართ;
- 4.15. დაიცვას წინამდებარე ხელშეკრულებით, ეთიკის კოდექსით, შინაგანაწესით, სასწავლო პროცესის მარეგულირებელი წესით, კოლეჯის სხვა შიდა სამართლებრივი რეგულაციებითა და საქართველოს მოქმედი კანონმდებლობით გათვალისწინებული მოთხოვნები.

მუხლი 3. ხელშეკრულების შეწყვეტა/მოშლა

1. წინამდებარე ხელშეკრულება შეწყვეტილად ითვლება:
 - 1.1. წინამდებარე ხელშეკრულების მოქმედების ვადის გასვლისას;
 - 1.2. მხარეთა მიერ ახალი ხელშეკრულების დადების შემთხვევაში, რომლითაც ძალადაკარგულად იქნება გამოცხადებული წინამდებარე ხელშეკრულება;
 - 1.3. კოლეჯის ან/და პროფესიული სტუდენტის მხრიდან წინამდებარე ხელშეკრულებით ნაკისრი ვალდებულების შეუსრულებლობის შემთხვევაში;
 - 1.4. პროფესიული სტუდენტისათვის სტატუსის შეწყვეტის შემთხვევაში.
2. წინამდებარე ხელშეკრულების ვადამდე მოშლა შესაძლებელია ერთ-ერთი მხარის ინიციატივით.
3. წინამდებარე ხელშეკრულების ვადამდე მოშლა არ ათავისუფლებს არცერთ მხარეს ხელშეკრულების მოქმედების პერიოდში ნაკისრი ვალდებულების შესრულებისაგან.
4. წინამდებარე ხელშეკრულების მოშლა ფორმდება წერილობით.

მუხლი 5. ხელშეკრულების სხვა პირობები

1. წინამდებარე ხელშეკრულება მოქმედებს კოლეჯის შინაგანაწესთან, ეთიკის კოდექსთან და სასწავლო პროცესის მარეგულირებელი წესთან ერთად.

- წინამდებარე ხელშეკრულება შედგენილია ორი იდენტური იურიდიული ძალის მქონე ეგზემპლარად და ინახება ხელშეკრულების თითოეულ მხარესთან.
- წინამდებარე ხელშეკრულება ძალაში შედის მისი ხელმოწერის დღიდან და მოქმედებს პროფესიული საგანმანათლებლო პროგრამის დასრულებამდე.

მხარეთა ხელმოწერა

კოლეჯი

შპს მარნეულის საზოგადოებრივი კოლეჯი

ელ-ფოსტა: collejimsc@gmail.com

მისამართი: ქ. მარნეული, რუსთაველის ქუჩა

N13ბ

საკონტაქტო ნომერი: 555139203

პროფესიული სტუდენტი

სახელი, გვარი : _____

პირადი N _____

მისამართი: _____

საკონტაქტო ნომერი: _____

ელ. ფოსტა: _____

გავეცანი ჩემს ელექტრონულ ფოსტაზე გადმოგზავნილ კოლეჯის შინაგანაწესს, ეთიკის კოდექსს და სასწავლო პროცესის მარეგულირებელ წესს, რასაც ვადასტურებ ხელმოწერით.
